

КЪАРАУ

Айтхылыкъ спортчуланы хазырларгъа алланып

Республиканы спорт министри Ислам Хасанов Шалушкада Универсал спорт комплексни бла «Пять колец» спорт академияны халларына къарагъанды.

физкультура бла спортну айнанып» къырал программаны эм «Спорт-жашауну низамы» федерал проектни тамамлану чеклеринде ишленеди. Анда къошакъ отоулары бла

1 487 квадрат метр жерде орналадыла, къурулушларына 53059,40 минг сом бөлюнгенди. Бусагъатда анда монтаж ишле бошалгъандыла, хайырланыугъа берирча жумушла тамамланадыла.

«Пять колец» сабий спорт академия былтыр сентябрьде ачылгъанды. Анда бусагъатда эркин тутушудан, тхэквондодан спортчуланы хазырлайдыла, Москваны «Локомотив» академиясыны жер-жерли бөлуюню футболчулары бла гимнастла жарауларын бардырадыла.

Бери 3-15-жыллыкъ 500-ден аслам сабий жюриюдюле. Ислам Маратович залга, футбол майданга, жарау къалай къуралгъанына къарагъанды эм ала министерство бла байламлыкъда кеп айтхылыкъ спортчуланы хазырларыкъларына ышанганын билдиргенди.

КУЛЬЧАЛАНЫ Зульфия.



Бюгюнлюкде Шалушкада Универсал спорт залны къурулушу бошала турады. Жангы объект «Къабарты-Малкъарда

улуу оюн, тренажёр эм аэробика залла, эки къатлы административ-турмуш мекем боллукъдула. Ала битеу да

ЭРКИН ТУТУШУУ

Республиканы гёжефлеринде – тогуз майдал

Шимал Осетия-Аланияны ара шахары Владикавказда 18 жыл толмагъан спортчуланы араларында грек-рим тутушудан СКФО-ну биринчилиги бардырылгъанды. Анга округну регионларындан 210 гёжеф къатышхандыла, ала 12 аурулукъ къауумда эришгенди.

Бизни республиканы келечилери 9 майдал къытхандыла. Биринчи жерлеге Ислам Болов (42 кг.), Локиаланы Руслан (45 кг.), Астемир Катханов (120 кг.) чыкъгъандыла. Кантемир Аталиков (45 кг.) бла Бапыналаны Къурман (55 кг.) экинчиле болгъандыла. «Доммакъланы» Казбек Тарханов (48 кг.), Хусин Блиев (51 кг.), Хаматби Кунжиев (55 кг.), Тамерлан Бекишев (92 кг.) алгъандыла.

ХАБИБУЛЛАХЛАНЫ Зульфия.



ТИРНЕКЛИЛИК

Барыбызны да умутландыргъан къызчыкъ

Газаланы Борис бла Лоуля эни къыз бла бир жаш ёсдюредиле. Сабийле, Нальчикни 24-чю номерли мектебинде ахшы окъугъанларындан сора да, спорт бла да кюрешедиле. Ала «Восточный ветер» деген аскер искусстволаны школуна жюриюдюле, тренер Заур Карамурзовда ушудан жарау этдиле. Артыкъ да жетишимлери бла Халимат айырмалыды.

Къызчыкъгъа 10 жыл толгъанды, алай жетишимлери уа умутландырадыла. 2020 жылда сентябрьде аскер искусстволандан III Север-Кавказ оюнада «Гунь-Шу, Чань-Цуань» категорияда кесини дисциплинасында ол биринчи

жерни алгъанды. Анда аны майдал эм диплом бла саугъалагъандыла. Ызы бла



Улуу Ата журт урушну 75-жыллыкъына аталгъан аскер искусстволаны «Альборц» деген фестивалына

къатышханы ючюн къызчыкъгъа Айкидо-ну Шимал Кавказда федерациясындан ди-

конкурсанда да «Саулукълу сабийле – туугъан жерибизни байлыкъ» номинацияда 1-чи жерни алгъанды. Окъуучу ишин «Ушу – тынчыкъгъа бла саулыкъгъа жол» деген темагъа хазырлагъанды, проектни таматасы Ирина Шахалиева болгъанды.

Эришюню эсеплерине кере «КъМР-де башлангъан классланы окъуучуларыны проект эм излем ишлери» деген жыйымдыкъ басмалангъанды, анга Халиматны жазгъаны да киргенди. Алай бла хунерли къызчыкъдан жалаанда спортда угъай, илму-излем ишде да энта жетишимле сакълаибыз.

ДодуЛАНЫ Мадина.

Аскер



Кесин терк окъуна ахшы бла танытдыргъанды

Османланы Ислам Россейни Саутланган кючлерине къуллукъ этерге чакъырлгъанлы юч ай да толмагъанды. Алай бу къысха заманын ичинде ол аскерчи усталыкъгъа юрениуде жетишимле болдуруп, командирлерини махтауларына тийишли болгъанды.

Каменкадан Османланы Илиясны бла Асиятны жашлары Ислам Астрахань областны Ахтубинск шахарында аскерчи бөлуюмге тюшгенди. Ол чакъыруу бла бир жыл къуллукъ этип бошагъандан сора контрактха къол салып, аскерде къалыргъа, атасына бла анасына болушургъа сюнгенин айтады. Ислам спорт бла кюрешенин, аны дзюдо тюрлюсюнде жетишимле болдургъанын да белгилерчады.

Жашны аскерчи усталыкъгъа итинулюгюн а командирлери эслемей къыймагъандыла. Ала Исламны атасына бла анасына жашларын тюз юйретгенлери ючюн ыразылыкъларын айтып, ол буйрукъланы терк толтургъанын, аскерчи усталыкъгъа женгил юйренгенин айтадыла.

- Мен Исламны анасы Аси-

ятны юсюнден энчи айтыргъа сюеме. Къайсы тиширину да сабийине жюреги тынгысызды. Алай Асиятчала уа аз болурла. Ол жашы бла бир жылгъа айырылгъанын ангылай, аны ашырып, Минеральны Водыге дери баргъанды.

Алай битеу аналары да тынчайтыргъа сюеме. Бюгюнлюкде россейли аскерде хал ышангъылыды, жарсыулу болумла жокъдула, ашлары, суулары, жашау халлары да игиди, -дегенди бизге «Аскерчилени аналарыны комитети» жамауат организацияны КъМР-де бөлуюмон башчысы Лууланы Жанна.

Аны айтханына кере, ол Ислам къуллукъ этген бөлуюмге сёлешип, жашны юсюнден соргъанды. «Командир аны адепиллигин, намыслыгъын белгилеп, атасына бла анасына ыспас этгенди. Быллай жашларыыз кеп болсала, аскерде къуллукъ этиу да бийк даражагъа чыгарыгъын белгилегенди ол», - дегенди бизге Лууланы Жанна.

ТИКАЛАНЫ Фатима.

ПЕНСИЯ ФОНД

Стажыгъыз тюз саналырча

Боллукъ пенсияны ёлчеме халатсыз тергелирча, адамла урунуу жылларыны, иш хакъларыны юсюнден жадыула тюз этилгенлерине, ала ючюн страховый тёлёуле заманында берилгенлерине бла къалгъанларына кеслери да къараргъа тийишлидиле. Хар инсанга да къырал жумушланы порталыны юсю бла энчи лицевой счётуздан выписканы алыргъа эркин этиледиле. Бу жумушну Пенсия фондну (ПФ) клиент службасында неда Кеп функциялы арада да тамамларгъа боллукъду.

Халатланы эсеген эсегиз, къырал жумушланы порталында аланы тюзетиюню юсюнден заявленианы, даныйлери бла документлени

къояргъа керекди. Ала фондну жер-жерли бөлуюмне ийилликдиле. Анда сюзюнгенден сора соруула чыкъсала, ПФ тинтиуле бардырча иш бла жалчылхан организациягъа, архивге, халкъла аралы эм къырал власть органлагъа запросла иерикди. Аланы эсеплерине кере, энчи счётах тюзетиуле кийирликдиле.

Андан тышында, 2021 жылдан башлап Пенсия фонд 45 жылдан абадан адамланы урунуу стажларыны эм энчи счётларыны юсюнден билдириуле этип башларыкъды. Информация инсанны къырал жумушланы порталында энчи кабинетине жиберилликди. Бу жумуш юч жылгъа бир кере тамамларыкъды.

